


HOUBUNG SUNG A CHONSIETNA



Simmun 4: July 25, 2026



“Ahilou jong leh Pathien
a kuon a nanei u Lhagao
Thieng nalungsung uva
cheng a chu na tahsa u
hi a inthieng ahi ti nahet
louv u ham?

Nangho nangho a tum
nahipo uve.


Nangho man kipe a
kichosa nahi ta uve,
hijieh chun na tahsa u
chung uva Pathien choi-
an un.”

(1 Corinth 6:19, 20,)

Paul in 1 Corinth 5-7 sung hin Corinth houbung sung a dettah a jungkho tasa chonsietna: jonthanhuoina- chu suhmang tei din athumop e.

Hiche chonsietna toh chun chonsietna dang tampi jong aching un, duha'n akiboltuo un, tahsanloute ang a akihehtuo un ahi.

Paul in achonchan bang tah un asun in, aphoh e. Achonsiet u akomu pih in, jamsan je le otdoh ding je jong ahil e.



Houbung sung a
chonsietna

Anopna tah a
chonse

Chonsiet
suhmangna

Sungthu seilhap
ding je

Houbung sung a
chonsietna otdoh di je

Lhagao Thieng
hou in

Nupa kipolna dih

HOUBUNG SUNG A CHONSIETNA



ANOPNA TAH A CHONSE

"Hitobang thilbol natongpa chu nalah uva kuon a paidoh ahitheina ding a lunggimpi jo ta louva ibol a kiletsah hoitho jo nahi uvem?" (1 Corinth 5:2)

Corinth houbung a *"jonthanhuoi um chu...chidang namdangte lah jieng a jong um ji lou ahi"* (1 Cor. 5:1).

Houbung mite lah a lomlou tah in insung mi kichengtuo aum in, vetsiet umtah asuoh tai. Hinla hitobang ho chu thetbol le paidoh ding ngaituo louvin kiletsahpi tah in abol un ahi. Hichun houbung dinmun dihtalou ahi aphochien tai (1 Cor. 5:2).



Corinth houbung chu Gentile mi tamna ahin, insung mi kah a lomlouva kichentuo chonsiet ahi ahe uve. Chuban a jong Bible in thet um tah ahi ati jong ahet uve (Lev. 18:8).


Hitobang nupa kipolna thienglou chu chonsiet ahi ahet u leh ibol a akiletsahpi u hin tem (1 Cor. 5:6)? Hitobang bolho chu houbung sung a bolthei tah loi hi uva hin tem? Chonse ho domthiem tah houbung a kingaituo u hin tem?

CHONSIET SUHMANGNA


"Polam mite thu Pathien in tan nante. Pathien lekhabu a kisei bang in, thilse bolpa vang nalah uva kuon in paidoh jieng un!" (1 Cor. 5:13)

Hiche jonthanhuoina chu mitin het ahi tah jie in (1 Cor. 5:1) houbung minsietna vendoh theina lampi hol angai tai. Ipi abol diuva lom hin tem?

Chonsiet bolpa thiemmo chansah ding le chansah lou ding thudol thulhuhna siem ding (1 Cor. 5:3)



Chonsiet bolpa'n achonsiet dalha louva houbung sung a umden ding agel lai chan a kipolpi lou ding, nehkhompi lou ding ahi (1 Cor. 5:11)



Chonsiet bolpa chu nosuoh a koi ding, "*Satan kom a pieh doh ding*" ajieh chu achonsiet bol jal a aman Satan akilhen joh ahi tai (1 Cor. 5:2b, 5a, 13b)



Houbung kithununna dan (chonsiet neo hihen lien hi leh) chu chonsepa lepui kitna ding tohguon ahi ngai e. "*Pakai nikho a huhhing ahitheina*" ding a achonsiet ipi ahi phatah a seipih a, akihet a akisih theina ding a hilthiem ding ahi (1 Corinth 5:5).



SUNGTHU SEILHAP DING JE

"Nang ho koi nahi uva khat in achuom khat chung a thu anei tieng le mithieng ho angung a kiheh ding go louva mithienglou chidang namdang ho heng a heh ding na ngapchat jieng jiu ham?" (1 Corinth 6:1)



Chonsiet akuon akilehei diu je ahil jouvin Paul in houbung mite'n kipuijangna dan phatah a ajuilouv, chule tahsanlou ho ang a akihehtuo u thiemmo achan e (1 Corinth 6:1-6). Apatlouna u bul le bal gei in aseipih tai.

➔ Akhatna'n, houbung mite kah a kituomona ima umсах lou ding ahi (1 Cor. 6:7a) chule, khat in khat chu aduha bollou ding, achan ding dol alahpih lou ding ahi (1 Cor. 6:8).

➔ Anina'n, sopi kah a bolkhie kingaidamtuo ding deisah ahi jing u ngai ahi (1 Cor. 6:7b).

➔ Athumna'n, akah uva kinoptuona umthei lou ahi tah leh houbung in thu atan ding, aseichampih ding ahi (1 Cor. 6:2).

Gamsung dan botkeh ahi ngallouv le (Rom. 13:1-5), houbung sungthu chu asung a seicham tei ding ahi.



“Eiho lhahchomna le chonsiet jie h a hinkho muthim le lhagao lhahsamna’n abop a, ingai masah haileuva iumlona u kihetdoh ding chu imopohna u ahi. Vannuoi lungput nei jie h ham? Chang bou kingailut jie h ham? Mi’n ei ngaisang ding dei behseh jie h ham? Akhatna jieng a pan ding deichat jie h ham? Tahsa nopsahna ding jieng ngaituo jie h ham? Nicolaitan te chonsiet- Pathien lungsietna chu chonthanhuoina nei- jie h ham? Pathien in mitvahna, phaath kilem chule chanvou thupi tah ei pieh u mankhie l le ilou sah jie h ham? Chihna le hou danthu hetna sangpi nei a kigel a, alangkhat a hinkho le chonchan kikotlou tah le thanguoi tah a man jie h ham?

Ipi pen chu hita leh ol ol a hung kipan ahin, chomlou kah in mihiem buonlu khop ahung hi ji tan, hichu lungthim pumpi a suhlhuh ding naguot lou leh manthahna nahin lhut ding ahi.”

HOUBUNG SUNG

A CHONSIETNA

OTDOH DING JE



LHAGAO THIENG HOU IN

"Na tahsa u hi Pathien a kuon a nanei u nasung uva cheng Lhagao Thieng Hou in ahi, chule nangho hi nangho a nahilou lam helou nahi uvem? (1 Corinth 6:19)

Thutan ho masang a akihehtuo u thudol asej jou in, Paul in asej thupi pen- houbung sung a jonthanhuoi um thudol- asej kit e. Ibol a um thei hin tem?



Christian te athieng hi dia kikou ahi uve (1 Cor. 6:11); chonsiet jouse anungsun ding u ahi. Hinla achonsiet kingaidam jie h a atahsa uva anop nop bolthei ta dia kigel loi jong ana um ui. Hijieh chun Paul in "*tahsa chu jonthanhuoina le noti bang a man ding ahi poi*" anati (1 Cor. 6:12-13).

Aseilona jie chu: itahsa u Christa tibah ahi. Christa tibah khat chu noti le chonthanghuoi ho toh kijopmat sah a, pumkhat so thei ahipoi (1 Cor. 6:15-18).

Akhonna'n, gel ding lom le thupi tah chu hiche ahi: itahsa u Lhagao Thieng in ahin, eiho a hita lou ahi; hijieh chun anei eiho hitalouva Pathien joh hi a ahi tai (1 Cor. 6:19). Pathien in Achapa thisan manlu tah a ei chohdoh sa u ahitan, hijieh chun tahsa le lhagaova Pathien ichoi-an diu ahi (1 Cor. 6:20).



NUPA KIPOLNA DIH

"Jonthanhuoi atam tai, pasal in numei, numei in jong pasal ji kinei chieh hen." (1 Corinth 7:2)



Corinth houbung thudoh bol ho Paul in donbutna phatah apieh a kuon chonthanhuoi jamsan ding je hetthiemna ineithei ta uve (1 Cor. 7:1).

Adoltah chun nupa'n kitimatna dih le lom tah aneithei lhon ahi; changkhat a um nalai hon vang hitobang kitimatna chu ajamsan ding u ahi.

Nupa khat joh sang in kitimat ding anoppih lou jieh a aji midang toh ajon khah ding venna'n atahsa chung a aji lungnachim sah hen (1 Cor. 7:3-5).



Changkhat a um kitimjou tah ho ding in vang Pathien dia phachuom tah muolsona ding lampi atam e. Insung le inchen asubuo diu lhomcha ahitah ding jieh in (1 Cor. 7:6-8, 32-34).

Changkhat a um a kitim joulou ding chun ji kinei hen lang, Satan lhepna peldoh jo hen (1 Cor. 7:9).



“Bolkhiel nei khat thudih a lepui ding naguot jing lai in, Christa ding jieng a natong nahi ti kilahsah in. [...]

Hichun Huhhingpu ngaidamna le hepina dimset ahi ti bolkhiel neipa seipih thei hen. Chonsepa kisih din tiilkhoh hen lang, ngaidam petheipa tahsan je hilthiem hen. [...]

Chonsepa kisihna houbung in bangjal in saanpih hen. Akisihpa chu tahsanlelna muthim a kuon puidoh hen lang, tahsan le chondihna vah a puilut hen. Akisihna khut kithing chu Jesu khut a koilut pih hen. Hitobang kisihna chu van in anamdet pih ji ahi.